

Održan treći interregionalni sastanak projekta PROSPERO u Sarajevu

23.04.2026.

U okviru projekta „Kultura i kreativnost pokreću prosperitetni razvoj – PROSPERO“, koji se realizira kroz EU program Interreg Europe, održan je treći interregionalni sastanak projektnih partnera. Domaćini dvodnevnog susreta su Ministarstvo kulture i sporta Kantona Sarajevo i Sarajevska regionalna razvojna agencija SERDA.



U okviru projekta „Kultura i kreativnost pokreću prosperitetni razvoj – PROSPERO“, koji se realizirao kroz EU program Interreg Europe, završen je treći interregionalni sastanak projektnih partnera. Domaćini dvodnevnog susreta su bili Ministarstvo kulture i sporta Kantona Sarajevo i Sarajevska regionalna razvojna agencija SERDA.

Sastanak je okupio partnere iz osam evropskih zemalja – Bosne i Hercegovine, Italije, Finske, Rumunije, Mađarske, Danske, Belgije i Irske – s ciljem razmjene znanja i dobrih praksi u oblasti povezivanja kulture i kreativnosti s razvojnim potencijalima regija.

Učesnike su u zgradi Kantona Sarajevo pozdravili pomoćnica ministra za kulturu Lejla Mujkić, direktorica SERDA-e Sanela Dževlan, te predstavnik vodećeg partnera projekta iz Italije.

U uvodnom dijelu predstavljene su aktivnosti i doprinos SERDA-e razvoju kreativnih i kulturnih industrija, kao i institucionalna podrška koju ovim sektorima pružaju Ministarstvo kulture i sporta KS i jedinice lokalne samouprave. Tokom prvog dana sastanka prezentirani su i primjeri dobrih praksi, uključujući Sarajevo Film Festival kao jedan od najznačajnijih kulturnih događaja u regiji. Učesnicima se obratio i šef Ureda UNESCO-a u Bosni i Hercegovini Siniša Šešum, koji je govorio o ulozi UNESCO-a u povezivanju kulturnog naslijeđa i savremenih kreativnih praksi.

U okviru studijske posjete, učesnici su obišli Interpretacijski centar „Planet Sarajevo“, gdje su se upoznali sa inovativnim pristupima interpretaciji kulturno-historijskog naslijeđa kroz multimedijalne i kreativne sadržaje. Učesnici su obišli ključne lokacije kulturnih i kreativnih industrija, kao i znamenitosti koje svjedoče o bogatom kulturno-historijskom naslijeđu Sarajeva i Bosne i Hercegovine.

Drugi dan sastanka su obilježile radne sesije i sastanak Upravnog odbora projekta, koji su održani u prostorijama SERDA-e, a fokus je bio na razvoju CCI hubova u partnerskim regijama, predstavljanju rezultata teritorijalne analize te razmjeni iskustava među partnerima.

Program je zaključen posjetom Tunelu spasa, kao jednoj od najznačajnijih historijskih lokacija novije prošlosti Sarajeva, te Zemaljskom muzeju Bosne i Hercegovine, gdje su učesnici imali priliku upoznati se s njegovom ulogom u očuvanju kulturne baštine i razvoju zajednice.

Održavanje ovog sastanka predstavlja značajnu priliku za jačanje međunarodne saradnje, razmjenu iskustava i dodatnu promociju Sarajeva kao važnog regionalnog centra kulturnih i kreativnih industrija.